

rex in cellam vinariam¹, ut scolastici floribus fulcirent eum et stiparent malis amore 796—800? languentium², illius, qui laetificat cor hominis.

Iam si desit qui confirmet³, forte non deest qui laetificet⁴ in cellis Aurelianis; dum spes est in vinea florente, non in ficulnea arescente. Quapropter Jonathan, con- Cf. Matth. 21, 19.
siliarius David, homo literatus, mittit ad Zabdiam dicens: 'Mane surgamus; videamus, 1. Paral. 27, 32.
quam bene vinea floreat Sorech; cantantibus celeuma super eam⁵, diriventur fontes ludic. 16, 4.
cellarii foras'⁶. At nunc apertis apotecis^a caritatis clavibus, a procuratore^b vineae
caelebretur versiculus iste per turres Aurelianas: 'Comedite amici mei, bibite et in- Cant. 5, 1. 2.
ebriamini. Ego dormio in dulcedine, et cor meum vigilat in caritate; venite et Isai. 55, 1.
accipite absque ulla commutatione vinum et lac. Guttur meum sicut vinum optimum, Cant. 7, 9.
dignum dilecto meo ad potandum labiisque illius ruminandum. Ego dilecto meo et ib. 6, 2.
dilectus meus mihi'.

Non est dicendum: 'Expoliavi me tunica^c mea, quomodo induar illa? lavi pedes ib. 5, 3.
meos, quomodo inquinabo illos? Non possum surgere et dare tibi'. Si forte tres^d Luc. 11, 7.
panes non sunt ad manum⁷, qui defecerunt⁸ in sitarchiis Gabaonitarum⁹, Christo bene- Cf. Ioh. 2, 7.
dicente, septem hydriae plenae sunt vini optimi, quod servabatur usque adhuc¹⁰. Ex
quo architriclino Turonicae civitatis, mandante filio virginis, miscendum¹¹ quis ignorat?

Et hoc servandum est, ne mittatur vinum novum in utres veteres. 'Et nemo Luc. 5, 37. 39.
bibens vetus, statim vult novum; dicit enim: Vetus melius est'.

Beatus, qui loquitur in aurem^e audientem. Valeto in pace, carissime frater! Eccli. 25, 12.

193.

Alcvinus Arnoni archiepiscopo Salisburgensi scribit de suo erga eum amore. Se diligenter se praeparare ad disputationem cum Felice episcopo Urgellitano habendam. Sperat fore, ut aestate eum videat. De Candido; de libris remittendis; de Hildegario; de Adelberto et Alimo episcopo Sabionensi; de festo omnium sanctorum¹².

Codd. S 1 fol. 145'—148' (S 1* fol. 57'—61'). 800 ante Mart. 19.
Edd. M 18, F 76, J 134. — Migne col. 294.

AQUILAE INTER OMNES ALPINE CELSITUDINIS AVES^a CARISSIMO ALBINUS SALUTEM.

O si mihi translatio Abacuc¹³ esset concessa ad te: quam tenacibus tua colla Dan. 14, 35.
strinxissem, o dulcissime fili, amplexibus; nec me longitudo aestivi diei fessum efficeret,
quin minus premerem pectus pectore, os ori adiungerem, donec singulos corporis
artus dulcissimis oscularer salutationibus. Sed quia hoc peccata mea inpediunt, ut in
tardo corpore fieri valeat, quod possum, instantius efficiam; pennam caritatis lacrimoso
intingens gurgite¹⁴, ut suavissima salutationis verba scribantur in cartula^b; ut per

35 a) apotecis scripsit J. pro apotecae H. b) procuratori H. c) tonica H. d) superscriptum est
inter tres et panes: X H. e) aure H.

193. a) avis S 1. b) cartola S 1.

1) Cant. 2, 4: Introduxit me in cellam vinariam, ordinavit in me caritatem. 2) Cant. 2, 5:
Fulcite me floribus, stipate me malis; quia amore langueo. 3) Ps. 103, 15: et panis cor hominis
40 confirmet. 4) Ps. 103, 15: et vinum laetificet cor hominis. 5) Ierem. 48, 33: nequaquam calcator
uvae solitum celeuma cantabit. 6) Prov. 5, 16: diriventur fontes tui foras. 7) Luc. 11, 5:
Amice commoda mihi tres panes. 8) Cf. supra: Iam si desit, qui confirmet i. e. panis. 9) 2 Reg.
21, 1: Facta est quoque fames in diebus David; 2: Vocatisque ergo Gabaonitis cet. 10) Ioh. 2, 10:
Tu autem servasti bonum vinum usque adhuc. 11) Ioh. 2, 8: Et dicit eis Iesus: Haurite nunc et
45 ferte architriclino. 12) Ante diem 19. Martii hanc epistolam scriptam esse ex ep. 194 intellegitur. J.
13) Cf. supra p. 36 n. 2. 14) Cf. Alcvin. XVII ad Paulin. v. 1 (Poet. Carol. I, 239): Tinguere tuos calamos,
caritas, in gurgite Christi; XVIII v. 1: Tinguere semel calamum, caritas, in gurgite Christi.